


伍

傷寒附翼



醫自軒岐道興而靈素以下代有名入著述屢  
扁以後如仲景著傷寒直啟靈蘭秘洩玉版  
之文若河間東垣丹溪亦迥出凡流與仲景並  
稱四大家傷寒暨雜證之治療備矣世咸宗之  
但仲景之著辭義古奧難經諸名家疏注亦未  
能盡晰其理近代以來如薛立齋張景岳喻嘉言  
等皆奪之靈素或作或述其餘諸證皆有發明  
迨慈谿柯韻伯注傷寒曰來蘊四卷又疏著附翼  
二卷能獨開生面而為解世之宗也予軒岐之學  
於傷寒者時刻此書至今閱勅洎之法而疏透徹詳明

可為精而不亂予深得其味今評批十餘條以備

閱者既之時丙戌仲秋日吳下葉桂題記

凡評批并記於右

桂枝湯下第七條批

瘧濕暑症第二條批

瘧濕暑症太陽病批

桂枝附子湯批

真武湯症批

吳茱萸湯証批

吳茱萸湯方批

厥陽脈症批

烏梅丸症批

白頭翁症批

諸寒熱症批

餘條并附翼無之可動筆評論也又記



附翼總目 上冊

太陽左總論

桂枝湯

麻黃湯

葛根湯

大青龍湯

小青龍湯

五苓散

十棗湯

麻黃甘膏湯

麻薤赤豆湯

文蛤湯

桂枝麻黃湯

桂麻合半湯

桂枝二越湯

桂枝加附湯

芍藥甘附湯

桂枝甘草湯

枳桂大棗湯

桂枝人參湯

去桂枝朮湯

桂枝去芍湯

桂枝杏仁湯

桂枝加芍湯

桂枝甘草湯

桂枝加桂湯

程芍龍骨湯

桂枝龍骨湯

附子去桂白湯

甘草附子湯

大陷胸湯

小陷胸湯

生姜瀉心湯

甘草瀉心湯

半夏瀉心湯

附子瀉子湯

旋覆赭石湯

甘姜苓朮湯

赤石脂散湯

抵當湯丸

下冊



陽明總論

桂枝湯

承氣湯

甘草乾姜湯

白虎人參湯

竹如石膏湯

茵陳蒿湯

大小承氣湯

蜜煎豬胆汁

少陽方總論

小柴胡湯方論

大柴胡湯

半桂乾姜湯

柴胡桂枝湯

柴胡桂枝湯

黃連黃芩湯

太陽方總論

理中丸

四逆湯

朴姜半夏湯

三物白散

麻仁湯

少陰方總論

麻黃細辛湯

附子湯

真武湯

白通湯

通脈四逆湯

茯苓四逆湯

吳茱萸湯

黃連阿膠湯

猪苓湯

四逆散

猪膚湯

甘草苦酒湯

厥陰方總論

烏梅丸

當歸四逆湯

小建中湯

茯苓甘草湯

炙甘草湯

燒視散

六經方餘論

麻黃升麻湯

杜蠟澤瀉散



傷寒附翼卷之七

慈谿 柯琴 韻伯編

崑山 馬中驊 撰

太陽方總論

太陽主表故立方以發表為主而發表中更兼治裏故  
種種不同麻黃湯於發表中降氣桂枝湯於發表中滋  
陰乾葛湯於發表中生津大青龍湯與麻杏甘膏湯麻  
翹赤豆湯於發表中清火小青龍湯與五苓散於發表  
中利水清火中復有輕重利水中各有淺深也若白虎

傷寒附翼

卷上

太陽方總論



北京中医药大学图书馆版权

之清火十棗之利水又解表後之證治其陷胸瀉心抵  
當調胃四逆真武等劑又隨症救逆之法矣大抵太  
之表不離桂枝麻黃二湯加減以心爲太陽之裏也  
將諸方詳論表章仲景治法令後人放胆用之則麻黃  
湯治傷寒而不治中風桂枝湯治中風而不治傷寒等  
說其可少息乎

桂枝湯

桂枝

芍藥

甘草

生姜

大枣

此為仲景羣方之魁。乃滋陰和陽調和營衛解肌發汗之總方也。凡頭痛發熱惡風惡寒其脈浮而弱汗自出者不拘何經不論中風傷寒雜病咸得用此發汗。若妄汗妄下而表不解者仍當用此解肌。如所曰頭痛發熱惡寒惡風鼻鳴乾嘔等病但見一症即是。不必悉具。惟以脈弱自汗為主耳。桂枝赤色通心溫經能扶陽散寒。甘能益氣生血辛能解散外邪。內輔君主發心液而為汗。故麻黃乾葛青龍輩凡發汗禦寒者咸用之。惟桂枝湯不可用麻黃麻黃湯不可無桂枝也。本方皆辛甘發

傷寒付翼

卷上

桂枝湯

二






散。惟芍藥微苦微寒。能益陰斂血。內和營氣。先輩之無汗不得用桂枝湯者。以芍藥能止汗也。芍藥之功。本在止煩。煩止汗亦止。故反煩更煩。與心悸而煩者。咸賴之。若倍加芍藥。卽建中之劑。非復發汗之劑矣。是方也用桂枝發汗。卽用芍藥止汗。生姜之辛。佐桂以解肌。大棗之甘。佐芍以和裏。桂芍之相須。姜棗之相得。陰陽表裏並行而不悖。是剛柔相濟以爲和也。甘草甘平。有安內攘外之功用。以調和氣血者。卽以調和表裏。且以調和諸藥矣。而精義尤在啜稀熱粥。以助藥力。蓋穀氣內充。外邪勿復入。熱粥以繼藥之後。則餘邪勿復留。複方之

妙用又如此。故用之發汗。自不至於亡陽。用之止汗。自不至於貽患。今人凡遇發熱。不論虛實。悉忌穀味。用桂枝方者。俱削此法。是豈知仲景之心法乎。要知此方專治表虛。但能解肌。以發營中之汗。不能開皮毛之竅。以出衛分之邪。故汗不出者。是麻黃症。脈浮紫者。是麻黃脈。卽不得與桂枝湯矣。然初起無汗。當用麻黃發汗。如汗後復煩。卽脈浮數者。不得再與麻黃。而更用桂枝。如汗後不解。與下後脈仍浮。氣上沖。或下利止而身痛。不在皮毛而在肌肉。故脈證雖同麻黃。而生治當屬桂枝。

也。粗工妄謂桂枝湯專治中風一證，印定後人耳目，而  
所稱中風者，又與此方不合，故置之不用。愚常以此湯  
治自汗盜汗、虛瘧、虛癩，隨手而愈。因知仲景方可通治  
百病，與後人分門證類，使無下手處者，可同年而語耶。

出



麻黃湯

麻黃

桂枝

杏仁

甘草

治風寒在表頭痛項強發熱身痛腰痛骨節煩疼惡風  
惡寒無汗胸滿而喘其脉浮緊浮數者此爲開表逐邪  
發汗之峻劑也古人用藥用法象之義麻黃中空外直  
宛如毛竅骨節故能去骨節之風寒從毛竅而出爲衛  
分發散風寒之品桂枝之條縱橫宛如經脉系絡能入  
心化液通經絡而出汗爲營分散解風寒之品杏仁爲  
心果溫能助心散寒苦能清肺下氣爲上焦逐邪定喘  
之品甘草甘平外拒風寒內和氣血爲中宮安內攘外  
之品此湯入胃行氣於立府輸精於皮毛斯毛脉合精

而溱溱汗出在表之邪其盡去而不留痛止喘平寒熱  
頓解不煩嘔粥而藉汗於穀也其不用薑棗者以生薑  
之性橫散解肌礙麻黃之上升大棗之性滯泥於膈礙  
杏仁之速降此欲急於直達稍緩則不迅橫散則不峻  
矣若脉浮弱汗自出者或尺脉微遲者是桂枝所主非  
此方所宜蓋此乃純陽之劑過於發散如單刀直入之  
將投之恰當一戰成功不當則不戢而名禍故用之發  
表可一而不可再如汗後不解便當以桂枝湯代之若  
汗出不透邪氣壅連於皮毛骨肉之間又有麻桂合半  
與桂枝二麻黃一之妙用若陽盛於內而無汗者又有

麻黃杏仁石膏連翹赤小豆等劑此皆仲景心法也予  
治冷風哮與風寒溼三氣成痺等證用此輒效非傷寒  
一證可拘也○按麻桂二方治傷寒中風者遇當用而  
不敢用註疏傷寒家於不當用者妄言其當用如太陽  
衄血證宜桂枝湯句語意在當須發汗下麻黃主之句  
在當發其汗下二句皆於結句補出是倒序法也仲景  
於論證時細明其所以然未及於方故耳夫桂枝乃行  
血之品仲景用桂枝發汗不是用桂枝止衄是用在未  
衄時非用在已衄後且奪血者無汗此理甚明麻黃乃  
上升之品夫既云衄乃解又云自衄者愈若復用升提

之藥衄流不止可必矣且衄家不可發汗此禁甚明矣  
又如小青龍主之句語意在服湯已上豈有寒去欲解  
反用燥熱之劑重亡津液令渴不解乎且云服藥已服  
湯已者是何藥何湯耶觀仲景於所服藥不合法者必  
明斥之如所云服瀉心湯復以他藥下之利不止又云  
知醫以他藥下之非其治也粗工不知倒序等法又溺  
於風寒二字而曰是雖熱甚邪由在經以麻黃治衄是  
發散經中邪氣耳請問邪氣寒乎熱乎若寒邪則血凝  
不流焉得有衄若熱邪則清降不遑而敢升發耶且云  
點滴不成流者必用服藥若成流不止將何法以善其

後乎此悞天下蒼生之最盛者余因表而出之

傷寒附翼

卷上

麻黃湯

六





行世雖天... 卷之... 景海... 余因... 所出...

